

DIS DA SENTUPADA

06.- 08.02.2026
ILANZ/GLION

CUMPACT.
FAMILIAR.
ROMONTSCH.

Ils Dis da Sentupada han liug a Glion

ella claustra dallas soras dominicanas, ell'aula.

Adressa: Klosterweg 16, 7130 Glion

Ils plazs da parcar ein limitai. Ei vegn cussegliu da crear cuminonzas da viadi, da far diever dil transport public, ni d'arrivar a pei naven dil marcau.

Tut ils arranschaments vegnan realisai exclusivamein per romontsch ed ein publics.

Entrada

Venderdis sera: entrada libra

Sonda suentermiezdi: 20 frs. (pauschal, per 3 presentaziuns/referats)

Sonda sera: 25 frs. (concert e sault)

FRR – organisatura e realisatura dils Dis da Sentupada

La Fundaziun Retoromana Pader Flurin Maissen (FRR) ei ina instituziun da non-profit. Ella s'engascha per crear purschidas persistentas, e selegra da tut il sustegn. Dapli informaziuns davart la Fundaziun Retoromana ein d'anflar sin frr.ch.

Index dallas fotografias:

Susanna Fanzun: Mayk Wendt

Marietta Cathomas: RTR

Clau Solèr: Marc Elias Solèr

Conradin Klaiss: Dominik Büttner

Fränzlis da Tschlin: Basil Stücheli

Program public - survesta

Venderdis, ils 6 da fevrer 2026

20.00	«Anflar il grond el pign, quei plai a mi.» Discuors moderau cun Susanna Fanzun
21.30	Puschegn e star da cuminonza

Sonda, ils 7 da fevrer 2026

14.00 – 14.15	Beinvegni ed introducziun da Conradin Klaiss (FRR)
14.15 – 15.00	Daco drova RTR ina linguista? Presentaziun da Marietta Cathomas
	Pausa
15.15 – 16.00	Senza num e bein zuppau Referat da Clau Solèr
	Pausa
16.30 – 17.15	Lungatg. Cultura. Quiz. Presentaziun ludica da Conradin Klaiss
sunter	Après-programme Vin cauld e punsch silla terrassa dalla claustra

18.15	Tscheina (mo cun reservaziun, 27 frs.) Ei vegn supplicau da reservar ordavon. (081 926 95 40)
-------	--

20.00	Ei vegnan, ils Fränzlis! Concert e sault
--------------	--

Reservaziun/prevendita

Venderdis sera: entrada libra, negina reservaziun
Sonda suentermiezdi: reservar [cheu](#) (3 presentaziuns/referats)
Sonda sera: reservar [cheu](#) (concert e sault)



Venderdis, ils 6 da fevrer 2026, las 20.00

«Anflar il grond el pign, quei plai a mi.»

Discuors moderau

cun Susanna Fanzun

reschissura, autura, producenta

«I Giacometti», «Nos Chastè», «Kühe, Käse und 3 Kinder» ...

Susanna Fanzun ha creau varga 30 films documentars sur dil mintgadi el territori alpin e colligia historias localas cun temas globals. Sper plirs purtrets dad artists ha ella schaffiu biars films documentars romontschs che han focusau silla veta d'affons ellas muntognas, l'economia alpestra, igl art d'architectura ed inschigneria.

pisocpictures.com



Sonda, ils 7 da fevrer 2026, las 14.15

Daco drova RTR ina linguista?

Presentaziun

da **Marietta Cathomas**

linguista RTR

Marietta Cathomas, linguista RTR, metta el center da sia presentaziun sia lavur tier RTR e dilucidescha, daco che RTR drova ina linguista. Ella tematisescha il svilup dil lungatg, novas tendenzas el romontsch e la creaziun da plaids – cun ina cuorta envesta pratica en quei «art».

rtr.ch/audio/linguarias



Sonda, ils 7 da fevrer 2026, las 15.15

Senza num e bein zuppau

Referat

da **Clau Solèr**
linguist

Senza num e bein zuppau. Quei constat pli u meins aunc oz, schegie che nus savessen strusch star senza. Ei pertucca nus corporalmein, e nus stuein s'exprimer giudlunder, mo untgin ei pir ch'il giavel l'aua benedida.

Als specialists queschan giudlunder, mo affons e (socio-)linguists san sedi-vertir giudlunder – tut senza turpetg.

Ina paterlada cultur-linguistica cun maletgs ed empau colorit local.



Sonda, ils 7 da fevrer 2026, las 16.30

Lungatg. Cultura. Quiz.

Presentaziun ludica davart divers aspects linguistics

da **Conradin Klaiss**

menader dalla Fundaziun Retoromana

Sas Ti differenziar ils idioms in da l'auter e distinguer els dad outras varietads romontschas? (Tgei? Datti aunc outras varietads romontschas?)

Pertgei discurren nus adina puspei dil quart lungatg naziunal e buca digl'emprem, cu nus manegiein romontsch? (anflas il sbagli ortografic en quella construcziun?)

Quei che Ti sas buca, sas ti lignar. Perquei ha ei gie num 'quiz'. Ils cuntegns da quel vegnan en mintga cass discutai ed explicai. In ni l'auter forsa era da Tei.



Sonda, ils 7 da fevrer 2026, las 20.00

Ei vegnan, ils Fränzlis!

Concert e sault

culs Fränzlis da Tschlin

Domenic, Anna Staschia, Cristina, Madlaina e Curdin Janett

Ils Fränzlis da Tschlin concerteschan dapi igl onn 1982 ell'entira Svizra ed egl exterior. Els sunan saults tradiziunals, semovan denton era cun gust e plascher en tut ils stils musicals, ed includan elements ils pli varionts en lur musica.

20.00 – 21.15 Beinvegni e concert

21.45 – 22.45 Musica per saltar

fraenzlis.ch